

公 館

劍 亭 詩 鈔

共 1 册 存 1 册 排架号

08842

劍盧詩鈔者永嘉僂彥陳子仲陶所著古近體也永爲名區大邑山水甲海內人才之盛莫盛於趙宋一朝自學問事功以逮文章具於史傳成爲學派一披宋元明史及諸儒學案者無不慕之微不至詩歌亦有四靈諸公嗣響唐音不染江湖俚率枯硬之習明以後則漸不及前然三百年中學問文章雖不如宋而事功猶有可紀至於本朝闕其無人矣非所謂盛極而衰之時乎衰盛循環造物常理否泰剝復貞下起元理之所賅天不能違當其由盛而衰天固不能挽之及其由衰而盛天亦安能扼之也哉夫天不可知於人知之所謂善言天者必有驗於人人思嚮學學思返古取昔賢往哲言行著述之彪炳宙合者起與比肩而抗顏不甘遜讓縮竅自畫自卑者卽自衰復盛之符由人徵天之實事功者操權於天如學問如文章皆權自我

操欲爲則爲但問其有志焉否耳天不能代我主張也觀於邦人士近日之多才好學詩文之外更及填詞有慎社甌社爲詩文詞講藝題襟之所風氣由衰而盛豈不在於今乎吾嘗與陳子劇談陳子信之毅然引以自任淬礪於學涉獵羣書見之詩文皆有不可一世之概詩之爲道入人最易益人較深內以敦性情外以厚風俗極而至於感鬼神動天地其教如此豈嘲弄風月儷妃青白之枝橈云哉妄人獲詩固不值與言詩儗子就詩而不達詩之本旨亦不足與言詩陳子蓋有以知之矣以余所曾見者每見必變吾無以測其所至惟是詩文之外尤望合學問事功而與趙宋朱明諸老一角勝負至於詩之工拙知者大有人在無所藉於吾言甲元甲子二月西江符璋偵叟序於溫州寓廬

昔汪容甫稱同時執友能爲六朝唐人之詩者武進黃仲則能爲漢魏宋齊梁陳之文者曲阜孔臯軒陽湖孫淵如吳山尊嘗歎爲知言以爲容甫睥睨一世而能服善如此爲難能慈抱聞山尊言竊不能無感焉夫學問一道有志竟成非不可直造占人也庸夫囿於見聞期許以下里巴人而白雪陽春終身不問則雖有才如黃仲則孔臯軒孫淵如孰能自望以古人而見知於師友耶此尤可悲者也永嘉陳仲陶少承尊人子萬先生庭訓最工於詩肄業學校繼爲教師而吟詠不廢出筆清剛尤近山谷慈抱知其人久矣壬戌春林鍊尊道尹設甌社於東山謝池招邦人能填詞者相與換羽移宮以爲樂仲陶與同郡梅冷生鄭薑門輩俱在列嗣道尹復委仲陶薑門及慈抱爲祕書筆札之暇命仲陶薑門專輯甌括詞綜一書以餉學者仲陶

則伏案丹鉛孜孜然未嘗有倦色道尹屢歎其賢也然仲陶於詞特  
寄志詩學尤其專長嘗與慈抱論詩曰勝國時漁洋王神均歸愚主  
格律簡齋主性情近代千秋宗漢魏石遺蘇龕宗宋人亞廬宗盛唐  
皆分門別戶各行其是誠能融會貫通不拘格式不分時代然後相  
題行事庶幾得之蓋其志大矣然慈抱謂詩道務先正流別以仲陶  
多憂憂獨造之句治宋詩最宜助以博覽未有艾也若夫近日風氣  
賀生日祝誕子方以詩爲雞雉羔雁之資識者心非之而不能口拒  
之則亦勿隨波逐流已耳豈仲陶之聰明特達而須慈抱嘵嘵耶仲  
陶之詩行將付刊矣以慈抱爲好古而能文者乞一言爲序慈抱學  
不及汪容甫而仲陶他日進境可爲黃仲則孔鼻軒孫淵如因述山  
尊言以互相砥礪或不涉於標榜之私也甲子仲春瑞安宋慈抱

同里呂渭英文起

盛唐陳拾遺風雅繼蘇李積健以爲雄詩筆空餘子君今正英年諸  
體俱可喜無乃其裔孫語句多酷似淡遠卻有神瀟洒寄微旨不肯  
落言詮言此意在彼司空詩品中超詣差可擬清奇與縝密兩兩臻  
絕技詠古能渾雄尺幅欲千里詠物乃細貼淺語含妙理旁讀臥樹  
歌爲之拔劍起如挾八月濤奔奏赴筆底我亦賦茲篇冒昧殊不揣  
持以較君詩俯首難仰視粗惡如礧礧安比美玉美他時有續編定  
卜配詩史

劍廬詩鈔

雜詩

永嘉 陳閱慧

仲陶

虛堂集風雨。百感迴中腸。篝燈愁不寐。中夜起徬徨。  
高秋八九月。白露凝為霜。征鴻流遠音。蟋蟀鳴我床。  
金飈日夕扇。草木就萎黃。馥馥東籬菊。落落揚幽芳。  
寢露掇其英。將以侑我觴。相對不能酌。思君斷人腸。  
魂夢杳難越。關山悠且長。安得晨風翼。萬里隨翱翔。  
今我殊不樂。躡屐凌崇岡。怪石紛竦峙。林薄鬱蒼蒼。

劍廬詩鈔

美本公司代印

俯視江波流。仰觀浮雲翔。驚塵蔽天地。白日慘無光。  
把劍一長嘯。零涕盈我裳。引領古神州。中懷慨以慷。  
河山彌烽燧。戰血傷玄黃。生靈苦凋敝。當道多豺狼。  
大澤屯雲氣。蛟龍深自藏。何時作霖雨。沛然周四方。  
題勁風閣開爲梅冷生  
社友讀書處

秋空雲氣轉冥冥。繞檻繁陰似翠屏。眼底琳瑯詩補  
壁。耳邊風雨樹穿櫺。攜將好句天容問。生有奇才地  
合靈。遠岫相看如几上。臥遊何必借丹青。

巢居閣題壁

不見林逋僊。獨坐巢居閣。閣外野風來。梅花紛自落。

削瓜詞

削玉上晶盤。殷勤勞纖指。心願化甘瓢。入郎肺腑裏。  
秋夜不寐。登樓眺望。遂以達旦。

零露沾衣夜氣清。簷花的的向人明。風飄纖月沉于  
海。雲結層陰壓此城。二十五點漏將轉。一百八聲鐘  
乍鳴。支頤忽動湘纍感。萬榻懵騰我獨醒。

十二月十八日與王希逸戴啓菴探梅花山歸而有作

挈伴來尋古寺春。冰銷澗道石磷磷。莫言山嘴茅茨小。贏得寒花作比鄰。消息枝頭逗早春。冰花無數壓簷新。山棲如此真幽絕。可有讀書長嘯人。曾寫春愁滿蜀箋。疏花冷蕊總情牽。翠禽去後苔枝瘦。何處相逢縞袂僊。

冰霜晏歲耐蕭條。未許寒香笛裏飄。欲折一枝寄相憶。十年江國夢迢迢。

數峯清苦商量雨。用白石道人詞意一樹幽香點綴春。我有阮

家雙蠟屐。花時不厭往來頻。

記買瓜皮小雪天。開尊沉醉此花前。瘦詩疥壁今猶

在。斷夢回頭十二年。壬子歲曾冒雪來游。今十二年矣。而舊題宛在。爲之感歎不已。

叉手吟成笑擘箋。舊時月色最清妍。菱蘆菴外花如雪。記泛西溪上水船。

巖棲幽絕抱花眠。處士清標世共憐。絕憶孤山寒月  
夜一枝斜壓總宜船。西溪孤山皆予  
舊游故及之

王郎博雅嗜圖史。與世聱牙古性情。昨見梅花歎清  
絕。誰知君亦舉家清。謂王希逸

罌菴製印師秦漢。苦鐵碎金閒自摩。亦向花間同覓  
句。傾尊對月一高歌。謂戴潞花

雜詩

蘭蕙生幽谷。綠葉何紛披。其旁盛蕭艾。敷榮自忘媿。

春風不擇木。遂令惡卉滋。薰蕕異氣類。雜處信可悲。  
斧柯不相假。剪伐難爲施。寄言蘭與蕙。善保芳菲姿。  
花發炫朝日。花飛委春泥。幾見辭條花。因風上故枝。  
春紅方悅目。秋綠萋盈墀。宵來聽鶗鴂。無復芳菲時。  
人生不滿百。感此內傷悲。所望崇明德。聲聞千載垂。  
永言寫情慮。三復白駒詩。

答宋墨菴

生不逢堯與舜禪。賸留文句任雕鐫。人嗤東野吟何

苦。我許揚雄書必傳。落落琴聲滄海上。離離桂樹小山邊。掩關寂寞休嗟歎。並世相看有數賢。

王廷玉外舅墮水得救喜而有作

尋幽竟墮蛟龍窟。颯颯腥風天地昏。出沒眼前驚水怪。攀援意外得雲根。身存重歎民如溺。痛定翻教淚有痕。一脈斯文應未喪。不辭狂喜倒千尊。

附錄

仲陶以外舅落水遇救作詩徵和次韻

平陽

劉紹寬

次饒

桑海頻年幾覆翻。江湖何日澹災昏。不辭度世身爲筏。肯逐頽波脚有根。瞥眼鬼車虛構象。到頭賊矢了無痕。東床快婿清狂甚。手捧新詩介壽樽。

如園坐月效山谷體賦呈梅伯

空庭若藻影零亂。坐久涼露生衣侵。秋聲在樹不可觸。明月出嶺如相尋。高譚偶爾續池北。傷歌誰復廣蕩陰。眼前清景足自適。未須懷古感彌襟。

有感呈鐵公觀察兼示冷生琴隱薑門陽湖諸子  
極望長途草樹迷。晴埃風捲沒輪蹄。當關虎豹耽耽  
立。擇木良禽故故飛。同甫微言詞卷裏。幼安幽恨夕  
陽低。無端斗宿纏兵氣。五夜嚴城急鼓聲。

中秋日紀遊

狂歌痛飲氣幽并。弔古荒祠涕淚零。日暮謝公亭畔

立。江風吹面酒初醒。

是日與冷生琴隱謁孤嶼文信國祠傷時弔古不知涕之何從也

狂名到處惹波瀾。結束風華事大難。杜老方揮憂國

淚。清輝玉臂感無端。

落落琴聲大蟹行。鳴爐香裊晚風清。鍾期不作誰知

已。想見千秋萬古情。

是夕聽琴隱奏琴

題風雨填詞圖

江雨從東來。回風振林樾。萬竅聲怒鳴。雜然宮徵發。  
雲氣忽侵樓。一角朱欄沒。據案知何人。終朝坐傲兀。  
柏板碎紅牙。懶挂看山笏。逸興驅風雲。正音辨毛髮。  
旁踏周柳瑕。上補蘇辛闕。聆此天籟鳴。冷然清人骨。

快意譜金荃。寧憂才思竭。更唱雨瀟瀟。聲滿濃雲窟。  
想見曲終時。風停簷溜歇。起視東峯東。一咏陰晴月。  
大雪過王希逸村居。時庭梅盛開。  
朔風吹瘦門前樹。牆角老梅繁吐馨。六出五出斷還  
續。南枝北枝斜復橫。今我不樂歲云暮。之子相逢懷  
欲傾。烏篷小艇休催返。古榦槎枿吾眼青。  
呈符笑拈先生

能拋簪組事丹鉛。山澤癯儒擬列僊。袞袞羣言資吐

納。悠悠世運任推遷。詩傳洛士謝安石。酒中賢人徐  
景山。如此風光如此客。一尊鄉社亦前緣。

附錄

贈陳仲陶

宜黃符璋笑拈

斐然羣彥各成章。谷有猗蘭乃國香。楊柳殿前  
之子韻。芙蓉幕下少年場。敬通跌宕衰多病。靈  
運空疏久健忘。忽枉詩筒陳雪案。春風無限意  
瀟湘。

慎社吟集分韻得綠字

飛閣何岩曉登臨散遊目綺窗出塵冥層巒麗朝旭  
有客顧予吁麗譙此遺築緬昔宋南遷河山鼠入角  
永嘉瀕海區皇輿曾駐轂鐘鼓報嚴更漏籤聲相逐  
劍佩曉朝天想像千官肅迄今八百年變遷幾陵谷  
屹立閱興亡雲構猶轟轟懷古一傷情憑高愁躑躅  
我起爲客言有酒萬事足人生無幾何何爲多感觸  
夜雨滴糟床曉起傾蟻綠長歎亦徒勞一樽且相屬  
蛇床雖不芳色似蘸燕綠卞和今不存疇識荆山璞

紛紛耳食徒穿珠混魚目矧茲喪亂餘經籍高閣束  
屠販珥金貂英俊豈見錄我生不逢辰遭此世溷濁  
人皆憎芳蘭何爲好奇服三歎起屏營百感擾心曲  
今朝良宴會入座盡名宿寄辭翰墨林文史共商攢  
新詩一何麗珠玉紛在目瓊簫流逸響絲桐理妙曲  
是時菊正芳泱寥天氣肅開窗延羣山千里入奇矚  
浩渺睇江流蒼翠瞰林麓金尊旣屢倒嘉言恣往復  
詞壇森壁壘健者更相角臨觴條長歎此意無人覺

豺虎滿中原宗社幾傾覆何不展經猷一爲清河洛  
而乃徒啣晤轅駒同局促詞賦縱甚工莫救民生蹙  
狂言君莫憎疑義我久蓄百罰亦何辭愛此新醅綠  
積雪初消寄廬蓮湖諸子游燕甚樂子畏寒不出賦  
此自解

瘦脊詩肩氣不驕凝冰冷到硯山腰嘔心驪句吟才  
就轉眼鴻泥迹已消雲外閑情花市酒風前怨曲竹  
房簫誰知閉戶耽寥寂坐對爐薰意自遙

壽陳佩忍師五十

虎擲龍拏幾鬥爭樊川老去厭談兵愁看赤縣黃塵  
滿夢獵陰山夜雪晴典册高文公不朽天風海水我  
移情垂虹秋色一千里好斫鱸魚侑酒觥  
有感

置身我輩宜何地搔首經時欲問天風骨楊津空自  
許功名張甲已能先蘭閣懊惱虛彈指心月圓明可  
悟禪手植寒花遍階砌人言幽趣勝春妍

大醉示王希逸

大醉當筵電目橫紛紛豪貴渺浮萍羊公不及銅臺  
伎孝伯何知阮步兵我意浮生行樂耳君歌斫地太  
癡生僧彌

謂介弟季思

善飲真吾友爲問糟邱可築成

贈陳純白

江湖夜雨久相望失喜今同燈燭光乍觀新詩爭擊  
節偶談時事各回腸遠游最識丁鴻志痛飲還師阮  
藉狂大正扶輪仗吾子臣精近日更銷亡

壽呂文起先生

嶺南三百擘輕紅偶戀鱸一棹東謀國舊曾言曲  
突孤懷且自托焦桐詩篇彷彿香山老繪事追摹籀  
石翁卻怪旁人不解事但誇治績媿蘇公

能使澆漓俗再醇典型喜見老成人尊前巾服風仍  
古劫外松筠氣自春每對楸枰憐世局閑從泉石寓  
經綸蒼生繫望身難隱會看青蒲裏畫輪  
墨菴過訪衙齋出示見贈之作次韵答之

拂拂清風微雨餘。故人來訪辦櫻廬。窮愁入世誰昂  
首。落寞關門獨擁書。興發詩篇散珠玉。談深梧影轉  
庭除。不知漚侶相從否。我欲煙江理釣車。

送別祝果忱廳長用袁思古韻

濟世才如儉歲梁。何憂柄鑿異圓方。清芬黃鞠秋凝  
露。高潔蒼葭曉帶霜。游宦收將詩料足。離愁破藉酒  
兵強。扶搖此去培風力。肯向榆枋咫尺翔。

暮歸

暮歸日已沉。行行青山曲。山路繞霜林。風吹紅葉落。  
送林襟宇之美洲

長風萬里送行舟。鰲背乾坤日夜浮。試向舵樓回首  
望。青山一髮是神州。

客夜聽雨感賦

敗砌莓苔合寒蟲。斷續鳴那堪。連夕雨併力作秋聲。  
人海升沉感鄉關。離別情颯然。愁思切不寐。起屏營。  
送別林鐵尊觀察卽用  
留別甌社原韻

北亭餞別車千兩海色青冥到眼前歌哭有時傷世  
亂江湖入夢識公賢詞編汐社成新集藥採神山憶  
昔年一事臨歧惆悵甚手栽隄柳已吹綿

自獲南鍼依北斗免如拋壻索途行江山盡入青蓮  
筆婦孺咸知白石名校譜分櫛詞事盛淺斟低唱宦  
情輕卻愁冷落櫻絳月千里歸心一夕生

悼陳瀛僊

傳來好句紅鸚鵡

漁洋句瀛僊有  
詠鸚鵡詩甚工

騎出青天白鳳凰

隨句

名士懷才妨壽命故人思舊托篇章餘花過雨飄苔  
砌殘帙驚風亂石床曾是當時吟賞地松臺山色爲  
淒涼

上田王氏草堂夜坐賦示希逸

老屋孤燈耐寂寥殘篇相對夜迢迢風回野蔓爭欹  
地雨歇繁星自滿霄才士滄浪曾卜宅詩人丁卯舊  
名橋南山佳氣依然在及早編籬護菊苗  
送友人之漢陽

執手踟躕問去程。登山臨水不勝情。江波渺渺征帆遠。岸柳蕭蕭宿酒醒。曾共言愁拳蕙芷。可堪話別感雲萍。相思後夜看明月。流照還應到鄂城。

秋日懷湖社舊友

翹首遙空盼斷鴻。萍蓬蹤跡太匆匆。誰將吟侶分攜淚。染得江楓如許紅。停雲靄靄晨星沒。惹我懷吟感百端。惟有一彎殘月好。屋梁顏色夢中看。

感時事

大陸羣龍戰傳烽。照海湄愁雲天欲壓。獨木廈難支。時事何堪問我生。亦可悲。最憐飛幕上。巢燕尙酣嬉。和胡巽菴權使華。蓋精舍題壁次元韻。

襟塵滌盡筆花開。心印琳宮明鏡臺。風盪江聲催夢

醒。雨餘嵐翠撲人來。秋毫畫入維摩境。壁懸朱曉崖所畫佛象玉

版禪參坡老才。更喜通真名蹟在。殘碑手爲剔莓苔

濡毫雪碗與冰甌。妙句能將勝景酬。寺塔隔江如我

瘦林陰匝地共雲流三生猿鶴尊邊約萬變魚龍眼  
底收曾記振衣凌絕頂危亭斜日一勾留

贈王希逸

書味澆胸萬卷羅王郎應自患才多人間何世君休  
問濁酒一尊聊抗歌

削瓜

車馬填豪門瓊筵羅燔炙舉座熱中人襍穢轉自適  
酷暑忘鎮心違思東陵摘塊然存此瓜美哉含玉液

得氣清且涼厥膚蒼復碧不食倘爲瓠大將容五石  
纖手試并刀片片王熊惜厚薄判中邊去留須抉擇  
毫末皆切膚物猶民肥瘠勢將剖而分善後誰決策  
感觸渺無垠且以銷炎赫豈惟登玉盤清晝娛主客  
供養宜神僊浮丘壽數百

喜雨示王希逸

蒼耳療饑亦已無沛然一雨正相需坐看苔砌濃青  
合想見林疇病綠蘇畎畝深憂堪自釋江湖清景最

宜圖便思就汝茆堂飲斫鱠烹蕪飯玉腴  
吸江亭觀雨和蓮湖韻

縱橫飛雨黯山川。岩罅琤琮急溜懸。烈烈風雷二百  
里。泠泠水樂十三絃。詩懷莽蒼龍吟樹。玄思沉冥鳥  
墮煙。倚立移時天欲暝。一聲清磬落愁邊。

感事

鷄蟲得失事區區。巧奪豪爭亦大愚。練實醴泉堪一  
飽。漫將腐鼠嚇鸛雛。

蓮社風流事又新。義龍律虎更何人。老槐生火中腔  
熱也。傍禪林結淨因。

浮雲變幻太匆匆。信有陰符貯腹中。踞汝阿瞞爐火  
上。尚誇擡舉有東風。  
絳帳何關魏虎事。將軍一怒自堪驚。龍賓十二嗟何  
益。不及哥舒半段鎗。

哭張耘叔

故家子弟饒奇俊

句元道山

少日才名已大佳。三篋河

東憑記誦舊聞日下待編排  
鷺飛得似霜鷹健橫貫  
俄驚玉樹埋賦罷大招無限感  
中原北望遍氛霾  
秋夜懷陳佩忍師西泠

草堂今夕蟲聲亂蟹火零星搖斷岸  
澤國秋風紅蓼  
疏江城落木征鴻怨美人千里隔雲岑  
清商一曲奏  
瑤琴我欲相隨採蘭杜煙水南湖深更深  
時佩忍師寓南湖別墅  
雪霽懷季洪武昌

江城雪霽時卷帷見明月光透煙初消雲深輪半沒

美人楚江濱清歌何激越  
千里寄相思嶺梅一枝發  
西湖

四面雲鬢初過雨六橋煙柳好尋春  
湖山本是天然畫我亦天然畫裏人

翠微山

蒼蒼城西岑連嶂疊巘嶠  
訪景散煩襟攀籐度絕壑  
古寺依雲峯幽人狎猿鶴  
山雨欲來時松聲滿高閣  
過殤女引懷瘞處

一葉蜻蛉泊水村。愁懷悵觸向誰論。斜陽明滅遙山影。淺草迷離舊夢痕。玉雪嬌姿空想像。薜蘿鬼語總煩冤。銘幽百字真悽絕。苔碣摩挲淚自吞。

詠牽牛花用錢籜石韻

朱英照眼綺霞妍。日炙俄教色欲蔫。底事芳心甘冷淡。爲誰瘦蔓故纏絲。西風曉露秋微逗。碧漢紅牆夢未圓。相對似將離恨訴。闌干斜倚嫩涼天。與社友探梅茶山踐舊約也紀以一詩

塵鞿久負探梅約。笑客嶺雲閒。自橫黃帽刺船成。往返青螺出水解。將迎寒凝古雪枝。如鑄睡足冬山態。欲醒願與癯仙相。爾汝催歸不奈寺鐘清。

題蘆雁畫幅

雪泥幾處爪痕留。萬里音書慰客愁。好向惠崇摹粉本。一天煙雨洞庭秋。

消夏卽事

振衣千仞俯滄溟。人物淘殘雪浪腥。到此煩襟應盡

滌暝煙喬木吸江亭

風飄蒼雪日冥冥。雨過琅玕萬个青。永晝山居攤飯處。隔窗聽徹玉瓏玲。

輕波如縠漾芳池。水閣招涼竹榻移。菡萏香生新雨後。一天詩夢魯連陂。

尊前八幅羅生畫。落想虛無未可憑。却憶山齋譚鬼魅。紅窗綠殺一痕燈。

欵枕披吟夢未成。情文低首冷紅生。江湖十載填詞

筆。今夕重聞點屐聲。

侵階涼影綠雲流。長夏江邨氣欲秋。撫拾遺聞供茗戰。夕陽閒話兩梧樓。

秋日 西湖口占

平湖斜日裏。鷗鷺浴晴波。指點停橈處。秋山紅樹多。夕陽下西嶺。幽壑暮煙霏。應是招提近。鐘聲度翠微。白傅工長句。蘇公少宦情。亭中人去後。嗚咽冷泉聲。春日紀遊

穠華照眼小桃妍。風物江村欲禁煙。載得詩愁三萬斛。碧溪絲雨放春船。

五十三參一瓣心。禪房花木晝沉沉。愛它芳草階前地。印得弓彎如許深。

神光離合意迷茫。一瞥驚鴻絕世妝。正是靡蕪彌望處。東風吹恨滿回塘。

感時

危言欲喚國魂回。百折身輕氣未摧。志士恥逃鈎黨

獄佞臣枉作喪邦媒。魯歸亡地宣尼力。越啓伯圖文  
種才智勇有人支。大廈中原應似復燃灰。

雜詩

芙蓉媚初日。灼灼朱葩吐。容色既云姝。芳馨復堪慕。  
流俗薄紅顏。棄遺勿復顧。盛時不見采。冉冉就遲暮。  
大火流坤維。景駒徒故步。鱗圓沼波颯。颯回颺度。  
搖落不須臾。芳華難永駐。人生瀛海內。飄忽枝上露。  
中夜起徬徨。寸心悚以懼。努力景前修。浮榮非所鶩。

王節母行

睴陽之桐棲鳳凰和鳴鏘鏘如笙簧鳳兮鍛羽悲引

吭摧殘文采滅輝光解一母也封股佐藥石濺血淋漓

肘與腋但得旦夕起膏盲碎骨粉身不自惜解二回春

苦無力天道甯可知臨風拚慟哭秋霜淒素幃解三斷

彼貞桐木絃以寡女絲嗚咽離鸞曲千載餘悽悲解四

此際報夫君捐軀誠何補破涕事重闈甘旨羅簋簋

宗祧關大計將雛閱艱苦解五賢哉王節母卓行世所

無高堂承色笑荻教造名儒茹茶甘如薺卅載心力

痛解六令子盛文藻校序冠羣英青衿博綺歲顯親在

揚名解七是歲姑洗月寶婺輝天陞稀齡卸鳩杖白髮

坐含飴姓氏壽金石巾幗式光儀名教樹坊表用以

風來茲明德食厚報次第頌期頤解八

亂後過金陵口占

宮闕崔巍付劫灰河山憑弔有餘哀西風落日臺城

路獨訪殘碑剔古苔

秋家風雨亭

蘭摧玉折劇堪憐終古難將恨海填一樣冤沉三字  
獄秋亭好傍岳墳邊

呈冒鶴亭先生

爲收詩料恣幽探吟向舟車興倍酣句成才別荆高豪

飲地一颿煙雨又江南

感時事用蓮湖居士韵

窺邊萬馬逼危城羣盜潢池尙弄兵眼見銅僊辭漢

苑心傷灰劫說昆明關河落日喧笳鼓原野回風捲  
旆旌悵望神州頻灑淚亂山無數暮雲橫

寄懷冒鶴亭先生

巢民文采冠當時再世遺民事絕奇鷄犬人間無限  
感山河故國有深悲服官昔爲衰親屈招隱今同逸  
士期賢者襟懷非易測紛紛燕雀漫相疑

草堂秋雨雁聲寒披讀瓊篇夜向闌承以大集見脫祖德共

知喬木在才名久作古人看蓬瀛劫後愁無極開寶

談餘淚不乾。海嶽樓中一尊酒。江山如此且憑欄。  
題伶人琴雪芳像

修眉曼鬢逞芳姿。不數紅兒與雪兒。壓倒東南金粉  
氣。從知北地豔胭脂。

碧闌十二月當樓。一曲歌珠轉玉喉。想見萬人齊屬  
目。紅氍毹上舞梁州。

江湖飄泊老奇才。絲竹中年祇益哀。已分青衫都濕  
遍。又聽新曲向燕臺。

回腸盪氣感精靈

興定  
公句

滾滾渾河逝不停。唱罷玲瓏

江岸句漫天風雪送歸艖

濁世清流相鑿枘。楞嚴皈佛已嫌遲。無端入手驚鴻

影。又觸閒愁賦豔詞

清明

郊原十里踏春行。花發棠梨照眼明。晴日亂翻胡蝶  
影。暖風啼徹鷓鴣聲。青山笑客忙何事。芳草留人坐  
有情。却憶西泠沽酒處。綠楊低拂杏帘輕。

浮址招飲鼓樓樂園同符笑拈先生作

庾樓風月謝樓詩酒綠燈紅又一時眼底煙雲翻畫  
本座中裙屐幾心知鶯花以外皆桑海社屋由來似  
奕棋莫送危闌千里日尊前百感已無涯

催妝詞爲王季思內弟賦

豪飲曾爲斫地歌飛揚跋扈欲如何醉鄉不及柔鄉  
好拚向妝臺伺眼波

王郎妙筆匹荆關托興青林杳靄間從此朝朝妝閣

底自研螺黛畫眉山

季思工繪事

夫婿才華擬謫僊相傳贈內有新篇最宜蕙玉親磨

墨寫向雲霞十樣箋

季思作贈內詩劇工

氤氳寶鼎香初蕪滴瀝銅壺漏未殘千蝶帳深深幾  
許渾忘簾外有春寒

哭沈墨池社友

一卷歛歔紙上塵詩篇絕俗畫通神座中談藝無餘  
子市上悲歌識此人萬里神州憑雪涕百年歲月付

奔輪折枝俊約猶如昨

君嘗招子及諸社友  
為詩鐘之會

忍聽春聲寂四

鄰

蓮湖居士以茶山探梅長句索和賦此應之兼志所

感

文字旁行走蚓蛇風騷歇絕動咨嗟未除結習貪搜  
句最羨逢辰約看花眼底谿山空窈窕醉餘肺腑鬱  
槎枒遙知澗道行歌處寒水流澌略約斜

壽梅秀芝先生

囂塵咫尺接重門坐擁書城自避喧道味醜時逾蔗  
境園林深處卽桃源佳兒華國文章富人爵輸公齒  
德尊戲綵堂前金粟燦喜聽腰笛曲新翻

秋夜聞蟋蟀聲感作

雨久苔階黃葉深暗蟲絮語洩秋心乾坤清氣饒先  
得莫愛箏琶薄此音

題王希逸上田村居

層樓一角俯寒塘玉軸牙籤富舊藏屋外峯巒濃入

畫門前。杭稻遠聞香。鷄豚人散粉。榆社霜露秋深橘。  
柚鄉落木蕭蕭風。雨夕北窗高臥夢羲皇。

秋夜偶成

昨夜新涼到幾家。添衣愁倚曲闌斜。秋心一樣無聊。  
賴雨雨風風亂蓼花。

蓬窗打雨屋如船。坐冷黃昏滿樹烟。紅出一燈微有  
暈。草蟲先報晚涼天。

酒盡雙瓶罷短歌。空庭意味淡如何。秋深不耐燈前

坐。嗚咽蟲聲入夜多。

題嚴澄秋松間采芝圖

代

子陵卓卓空千古。今見高風在眼前。地有閒雲開畫  
本。天將清福付神僊。靈根飽露能延壽。老樹盤風不  
計年。我欲品題誰伯仲。商山四皓竹林賢。

題舉杯白眼看青天圖

心無點塵目無一人僊。乎僊乎杯酒自斟。世間萬事  
皆非真。惟有青天至今猶太古。可以養我之性遊吾

神宗之去矣不可尋惜乎我亦少年非其倫

寄雲五橫陽

我昔旅西冷君作鹿城客我歸君亦歸橫陽返故宅  
春樹攢芳原暮雲翳空碧遠道寄相思素書空盈尺  
送王廷玉外舅重游西湖

向子餘年思五岳公今訪景六橋春柳迎湖舫如賢  
主花近山樓識故人古錦囊添詩料富征衫襟濕酒  
痕新繁華閱盡耽幽寂知向西溪更問津

西湖十景

十首之六

西嶺日已沉東峯月正上四顧悄無人一聲晚鐘響

南屏晚鐘

麴院倚紅闌微風送香氣荷蓋時動搖知有游魚戲

麴院風荷

曉來行跡稀雪泥已踏破應有騎驢人尋詩橋上過

斷橋殘雪

秋月滿平湖湖光何澄澈一天風露中有人弄長笛

平湖秋月

湖頭風日佳。攜杖人來去。楊柳曉含煙。鶯啼不知處。

柳浪聞鶯

游魚時避人。隱向花陰處。何不舍蹄涔。變化成龍去。

花港觀魚

訪葉竹珊蓮湖別墅。值其上塚口占題壁。

願與故人共此奇。百篇新寫篋中詩。豈期剡水拏舟日。恰值龐公上塚時。半榻茶煙猶颺颺。一窗花影自離離。題門凡鳥我何敢。小立心知看竹宜。

僊岩紀游同王季思作

王子澹岩人。邱壑能自放。邀我訪僊岩。春水孤舟漾。一髻指遙山。未至神先王。行行溪路窮。當眼忽千嶂。寺塔兀建標。徑松森列仗。祇園地布金。妙悟空諸相。僧言觀瀑佳。磴路浮雲上。匹練掛銀河。飛沫隨風颺。雷潭境稍高。兩峽屹相向。終南黑無極。呂梁險難狀。巨響駭。噲咄煩襟快。滌盪頗聞伏虎菴。風景兼奧曠。安得遂卜居。一與世情忘。出山隨樵蹤。入谷聆漁唱。

回首語山靈息壤在終償

豐贈衣冠奇製學檢新詩響微並須醉劍舞其亦帶聯  
爪甲前聖制辭制泚此望其美不越昔年箭翅積國天  
鐵氣谷音謝建臨淋著韻嶽懸高寒蒼岳邊邊激曲誰  
燭獸乘蜡風林葉交背轉心四圍雲帳中中人歸學與

片其坡聚屋堂韻

松

溫州府

荅字墨庵

已錄前年內

比前已印入好車集內

雪後過甌隱園用東坡聚星堂韻

秋爽臺空餘落葉修梧樹樹明殘雪東山

名蓋山又

近在儿

席間相對無言各愁絕弱卉重嗟蒲柳零清響乍聽琅

玕折眼前光景殊凌亂舊日風流竟寂滅如臯先生

字伯玉

應自傳腕下萬言誰得掣詩龕雅集花影亂鉢池襖

飲酒鱗鱗符老

符美稱

詩篇爛錦段陳侯

清言

霏玉屑

干戈喪亂傷更番風花聚散歸一瞥襄陽耆舊久見輕

永嘉詩事我能說臨風何意更長嗟不見虬枝如屈鐵

詩園下老梅

數錄久推爲韻

丁卯冬日

永嘉陳閔慧初稿

附錄符笑拈先生和作

歡場聚散風林葉安得搏沙似團雪神仙人鶴鼈娛

蠟展谷音惟我絕梅簷璀璨想高寒苔徑髮髻迷曲折

爪印前塵瞬掃除那比璧珪光不滅昔年游戲詩國天

選韻分題筒屢掣鉢挽漏響燭花飛酒驗襟痕衣帶纒

淋漓萬帔斛量珠間以劇談徵瑣屑好夢從來境易過

回首十年漚一瞥園事猶如水繪無所願其年爲我說

倘教白戰有何難在手本來不持鐵

溫

溫州府志